

歷世真仙體道通鑑卷之三十六

辨四

浮雲山聖壽萬年宮道士趙道一編修

宋愚

宋愚京師人也父顯為遊商多往來湖湘間  
顯經三歲不歸其母與愚曰汝父去何久若  
無故必回吾日夜憂也子可往求之愚乃下  
入楚至潭州遇跛者與飲跛者取巨既備酌  
既飲留半以授愚曰可飲此酒愚乃飲即聞  
酒有異香愚一飲而盡跛者喜為愚曰汝來  
求父還知音否愚拜對以未知跛者曰吾知  
之愚乃再拜而請所知跛者曰子明日出清  
泰門數里有新茅屋數間乃吾屋也吾指示  
子父所在處乃各散去愚坐以待旦乃出清  
泰門行十餘里見道左有新屋數間亦甚潔  
雅有二小青衣童立於門曰子非宋君乎曰  
是矣乃引入既陞堂即見跛者戴冠紫袍有  
狼虎之姿揖愚坐迺運酒設羅列珍品異集  
雖王公之家不若也既久跛者曰無以為樂  
取大飛飛小飛飛來一童自一器中取二彈  
丸光彩若白銀一置殿前一置愚前跛者喝

云二子各小呈伎藝以悅坐客二丸或飛起  
兩兩相擊即為長劍互相擊不止即為千餘  
劍俱利若秋水或散若列星或聚如東帛或  
驚若駭電或緩若引索或旋若規火或去若  
流波移時跛者曰汝欲得此道乎即可吞一

丸其變化亦如此愚曰本來求父不願求此  
跛者曰汝久客甚倦當之日用吾有一藥銀  
法可授子愚曰朕命淺薄升斗之限常恐已  
不任亦不願學跛者驚曰子之道又在吾上  
乃令左右振去杯皿曰子之父客死於湘州  
汝往求之可知矣異日子可復來此愚歸翌  
日再去即其室已空矣愚入湘果得父骨愚  
後舉進士即遊雲水面色紅瑩至今存焉意  
其飲餘杯之力也

韋善俊

韋善俊者其先出京兆高祖遺遺不仕祖宣  
敏嘗為董縣令因家於葦父昂好山水母王  
氏初妊每嗽血食則連夕腹痛遂蔬食既生  
年十三歲長齋誦道德度人西昇昇玄等經  
人有所患悉為服救之用及壯詣嵩陽觀事

黃元廣參佩道法又從臨汝洞元觀道士韓  
元最復授秘要常有二青童侍左右唐高宗  
調露初有劉文兒過山之西見神人長文餘  
介甲而坐見善俊來起迺之文兒因訪識者  
曰此奉戒道之士也文兒欽異遂從善俊歸

嵩陽天后嗣聖中寓籍昇仙觀一日復見神  
人厲聲曰子何人輒來此請速去不爾傷子  
善俊曰神人試我耶何相逼太甚神人遂逃  
謝而去又嘗過壇墟店東遇黑犬繞旋不  
去因畜之呼為烏龍如意中將遊少林寺以  
齋食食之僧曰人未食而食犬可乎謝曰吾  
過矣專出寺而去望之愈遠而犬愈大長數  
丈化為龍善俊乘之歸嵩陽絕迹不復出長  
壽中忽謂弟子曰吾學道已九十九年今則  
百矣太上召我當往遂乘龍去

張惠感

張惠感字智元高安人正一真人第十四代  
孫自崇元觀遷隱于浮雲志修神仙之道時  
唐武后朝也有游帷觀道士胡惠超壽數百  
歲因遊高安具田瀑布致敬吳仙壇道浮雲

師惠感長安五年武后召惠感為國師齋于明堂感慶雲見神龍黃鶴翔集詔往亳州太清宮修金籙齋醮九井并久枯時冰雪凝阻忽有聲如雷水暴湧三龍出戲后異之賜緡五百疋歸浮雲游吳田瀑布東林二賢廟三元觀祭六丁謝七元煉丹浮雲明皇天寶中有神人降于壇曰子修行勤苦諸仙保舉明且雞鳴當飛昇矣如期雲物異降白日冲昇武后久視元年庚子所鑄鐘記惠感姓名可考高安調露鄉今有惠感故里張氏坊存焉

張志和

玄真子姓張名志和字子同會稽山陰人一云婺州金華人始名龜齡十六擢明經以策于唐肅宗特見賞重命待詔翰林因賜名以親既喪不復仕居江湖自稱煙波釣徒著玄真子亦以自號有章詣者為撰內解志和又著太易十五篇其卦三百六十五兄龜齡恐其逃世不還為築室越州東郭茨以生草椽棟不施斤斧豹席拔屨每垂釣不設餌志不在魚也觀察使陳少游往見為終日留表其

居曰玄真坊以門隘大其閤號回軒巷先是門阻流水無梁少游為構之人號大夫橋帝嘗賜奴婢各一志和配為夫婦號漁童憑青陸羽嘗問孰為往來對曰太虛為室明月為燭與四海諸公共處孰為往來志和善畫飲酒三斗不醉守真養氣卧雪不寒入水不濡天下山水皆所遊覽唐公顏真卿與之友善真卿為湖州刺史與門客會飲乃唱和為漁父詞其首唱即志和之詞曰西塞山邊白鳥飛桃華流水鱖魚肥青箬笠綠蓑衣斜風細雨不須歸真卿與陸鴻漸徐士衡李成矩共唱和二十五首遞相誇賞而志和命丹青剪素寫景夾詞須臾成五本華木會魚山水景色奇絕踪跡今古無倫而真卿與諸賓客傳覽嘆服不已其後真卿東遊于望驛志和酒酣為戲水鋪席於水上獨坐飲酌笑詠其席來去遲速如利舟聲復有雲鶴隨覆其上真卿親賓來佐觀者莫不驚異尋於水上揮手以謝真卿上昇而去今猶傳實在人間者

朱孺子

朱孺子永嘉安固人也幼而師道士王玄真居大箬巖巖師陶隱居於此亦名真動苦事於玄真深慕仙道常登山嶺採黃精服餌歷十餘年一日就溪濯蔬見岸側有二小花大孺子異之乃尋逐枸杞下玄真與孺子共尋掘乃得二枸杞根形狀如花大堅若石洗潔歸以煮之而孺子益新看火三晝夜不離竈側試嘗汁味取契不已及見根爛以告玄真共取食之俄頃孺子忽飛昇在前峯上玄真驚異久之孺子謝別玄真昇雲而去到今號其峯為童子峯玄真後餌其根盡不知其年壽亦隱於巖之西陶山有採捕者時或見之

王老

王老坊州宜君縣人也居于村野頗好道愛客務行陰德意其妻亦同心不倦一日有繼縷道士造其門王老與妻俱迎禮居月餘間日與王老玄談杯酌甚相歡洽俄患惡瘡偏身王老乃求醫藥看療益加勤切而瘡甚大將逾年道士曰此不煩以凡藥相療但將

數斗酒浸之自愈於是王老為精潔釀酒及熱道士言以大瓮盛酒吾自加藥浸之遂脫衣入瓮三日方出髮髮俱黑而顏復少年肌若凝脂王老闔家視之驚異道士謂王老曰此酒可飲能令人飛昇上天王老信之初竟

酒五斛餘及窺三二斗在爾清冷香美異於常酒時方與二人打麥次遂共飲皆大醉道士亦飲云上天去否王老曰願隨師所適於是祥風忽起練雲如蒸屋舍草樹全家人物雞犬一時飛去空中猶聞打麥聲數村人共觀望驚嘆惟猫鼠棄而不去風定其賃打麥二人乃遺在別村樹下後亦不食皆得長年今宜君縣西三十里有昇仙鄉存焉

### 侯道華

侯道華自言我崑山來泊於河中永樂縣道靜院若風狂人衆道士皆輕易之又云陝州芮城人詣中條山道靖觀事周尊師名悟仙居常如風狂人凡觀舍有所損自持斤補完之登危立險人所難及處皆到又為事賤劣有客來不問道俗凡庶悉為擔水汲湯濯足

浣衣又淘濯灌園辛苦備歷以資於衆衆益賤之驅叱甚於僕隸而道華愈忻然又常好子史手不釋卷一覽必誦之於口衆或問之要此何為答曰天上無愚惰仙人衆咸笑之經十餘年殿梁上或有神光人每見之相傳

云唐開元中有劉天師嘗煉丹成試犬犬死而人不敢服藏之於殿梁人皆謂妄言矣寶錄云按宣室志云唐文宗時道士因殿宇損壞道華葺之登梁陷中得小金合有丹遂吞之擲下其合吞丹訖遂無變動忽一日入市醉歸其觀素有松樹偃蓋甚為勝景道華乃著木履上樹悉斫去松枝群道士屢止之不可但斫曰他日破我上昇處衆人以為風狂怒之且甚適永樂縣令至其吏人觀其斫松深訝之衆具白於官官於是責辱之道華亦忻然後七日道華晨起沐浴妝飾焚香曰我當有仙使來相迎但望空拜不已衆猶未信須臾人言見觀前松上有雲鶴盤旋蕭笙響亮道華忽飛在松頂坐久之衆甚驚忙永樂縣官道俗奔馳瞻禮其責辱道華縣官扣

磻流血道華揮手以謝道華云我受玉皇詔授仙臺即知上清宮善信院今去矣復留一詩云帖裏大還丹多年色不移前宵謾與却今日碧空飛慚愧深珍重鄧天師昔年煉得藥留著與內芝吾師知此術速鍊莫遲

為三清相對侍大羅的有期俄頃雲中音樂聲幢幡隱隱凌空而去時唐宣宗大中五年也一云薛象云去年七月一日蒙老君遣真也人韓象降賜姓李名內芝配住上清善信院之觀脫衣挂松上而昇鄭雲更題中條道靖觀詩云松頂留衣上玉霄永傳聖迹化中條

不知揖徧諸仙否豈累如今隔兩宵節度使鄭公光按視以事聞奏詔賜絹五百匹并賜御衣修飾殿廊賜名昇仙院

### 侯道一

侯道一曰侯道華勞謙養道屈已事人觀其躬持斧斤完葺宇舍至於汲湯灌園等事若僕隸以實於衆倘其後來不獲飛昇人肯以仙視之手蓋真仙闡化必有深旨道德經曰天長地久天地所以能長且久者以其不自生故能長生是以聖人後其身而身先外其形而形存非以其無私邪

故能成其私侯道華以之

馬湘

馬湘字自然杭州鹽官縣人也世為縣之小吏而湘獨好經史攻文學一日縣宰令湘往西川湘方以為憂行至縣北一十二里忽遇一道人與同入一石井中移時已到西川取訖回書不覺又從石井出矣至縣投落回書莫不駭異人因號為石井仙存馬乃隨道士天下徧遊後歸江南而常醉於湖州墮雲溪經日而出衣不濕坐於水上而來言適為項王相召飲酒欲醉方返溪濱觀者如雲酒氣猶衝人狀若風狂路人多隨看之又時復以拳入鼻及出拳鼻如故又指溪水令逆流食頃指柳樹隨溪水走來去指橋令斷復續後遊常州遇馬植出相任常州刺史素聞湘名乃邀相見迎禮甚異之植問道兄幸同宗姓欲為兄弟冀師道術可乎湘曰相公何望曰扶風湘戲曰相公扶風馬湘則風馬牛但且相知母微同姓意言與植風馬牛不相及也然植留之郡齋益敬之或飲會次植請見小

術湘乃於席上以瓷器盛土種瓜須更引蔓生華結實取食衆賓皆稱香美異於常瓜又於袖身及襟上摸錢所出不計多少擲之皆青銅錢撮投井中呼之一一飛出人有取者頃復失之又植言此城中鼠極多湘書一符

令人貼於南壁下以筋擊盤長嘯鼠成群而來走就符下俯伏湘乃呼鼠有一大者近塔前湘戒曰汝毛蟲微物天與粒食何得穿穴屋宇晝夜撓於相公且以惡懶為心未欲殺汝宜便率衆離此大鼠乃回群鼠前皆扣頭謝罪遂作隊莫知其數出城門去自此城內便絕鼠後南遊越州經洞巖禪院僧三四百人方齋而湘與婺州永康縣牧馬巖道士王知微弟子王延叟同行僧見湘知微到踞而食畧無揖者但使人以飯湘不食趣知微延叟速食而起僧齋未畢及出門又趣速行到諸暨縣南店中約去禪院七十餘里深夜聞尋道士聲主人速應之乃二僧願求見道士及引見湘但禮拜哀鳴曰僧衆不識道者非失迎奉致貽怒責三數百僧到今不能下牀

某二僧是主事且不坐所以得來願乞捨之湘惟睡而不對知微延叟但笑之僧愈哀乞湘起曰此後母以輕慢人為意回去入門僧輩當能下牀僧回果如其言湘翌日又南行時方春見一人家好菘菜求之不得仍聞惡

言命延叟取紙筆知微言求菜見阻應無訟理沈在道門詎宜施之湘笑曰我非訟者也作小戲爾於是延叟捧紙筆湘畫一白鷺為以水噴之飛入菜畦中啄菜其主人趕起又飛下再三湘又畫一鴉子走趕捉白鷺鴉共踐其菜碎盡不已其主人見道士戲笑求菜致此慮復為他術即來哀求湘曰非求菜也固相戲爾於是呼鷺鴉及鴉子皆飛走入湘懷中視菜如故悉無所損又南遊霍童山入長溪縣界夜投旅店宿舍少而行旅已多主人戲言無宿處道士能壁上睡即相容已逼日暮知微延叟曰祇能舍宿爭會壁上睡湘曰爾但俗林中睡我坐可到明衆皆睡而湘躍身梁上一脚挂梁倒睡適主人夜起燭火照見大驚異湘曰梁上猶能壁上何難而入

歷久之不出主人祈謝移時請知微延更入  
家內淨處睡卧及旦主人留連嘆悔不已知  
微延更辭行及數里間見湘已在路傍候之  
自霍童回永康縣東天寶觀駐泊觀前有大  
枯松湘指之曰此松已三千年餘特化為石  
自後果化為石忽大風雷霍石倒山側作數  
截揚發自廣州節度黃授婺州刺史發性高  
奇異知之乃徙兩截就郡齋又致之龍興寺  
九松院各高六七八尺徑三尺餘其石松皮鱗  
皴今猶存焉或有告瘞者湘無藥但以竹杖  
打病處腹內及身上百病以竹杖指之口吹  
杖頭如雷鳴便愈有患腰駝脚曲持拄杖而  
來者亦以杖打之今放拄杖應手使伸展時  
有以財帛與湘阻讓不免留之後散與貧人  
所遊行之處或官觀岩洞多題詩句其登杭  
州秦望山詩云太一初分何處尋空留歷數  
變人心九天日月移朝夕萬里山川換古今  
風動水光吞遠嶠雨添嵐氣沒高林秦皇謾  
作驪山計滄海茫茫轉更深後歸故鄉省兄  
適兄逐出嫂姪喜見湘歸湘告曰我與兄共

此宅今歸要分我惟愛東園爾嫂姪異之曰  
小叔久離家歸來兄猶未見面何言分地骨  
肉之情必不忍如此駐留三日嫂姪訝之湘  
不食但飲酒而待兄不歸及夜遽卒明日兄  
歸問妻子具以實對兄感慟乃曰弟學道多  
年非歸要分宅是歸託化於我以絕思望爾  
乃棺殮之其夕棺忽然有聲一家驚異乃葬  
于東園今縣北九里唐宣宗大中十年也明  
年東川奏知州梓桐縣道士馬自然白日上  
昇湘於東川謂人曰我鹽官縣人也新羽化  
於浙西今又為玉皇所詔於此上昇以其事  
奏之遂勅浙西道覆之發塚視棺乃一竹杖  
爾

鄔通微

鄔通微不知何許人也為道士神氣清美靜  
默虛衷或吟或醉多遊於洪州名山山人見之  
多年或十數年不見則顏狀益少於當時人  
莫測其服煉丹藥進行定止後於酒樓乘醉  
飛昇而去

許碯

許碯自稱高陽人少為進士累舉不第晚登  
道於王屋山周遊五嶽名山洞府後從峨嵋  
山經兩京復自荆襄汴宋抵江淮茅山天台  
四明仙都委羽武夷霍童羅浮無不徧歷到  
處皆於懸崖峭壁人不及處題云許碯自峨  
嵋山尋偃月子到此觀筆蹤者莫不嘆其神  
異竟莫詳偃月子也後多遊廬山嘗醉吟曰  
闌苑華前是醉鄉以舟翻王母九霞騰群  
仙拍點嫌輕薄謫向人間作酒狂好事者詰  
之曰我天仙也方在崑崙就宴夫儀見謫人  
皆笑之以為風狂後當春景插花滿頭把花  
作舞上酒樓醉歌昇雲而去

金可記

金可記新羅人也唐宣宗朝以文章實于國  
性沈靜好道不尚華侈或服氣煉形自以為  
樂博學強記屬文清麗美姿容舉動言談迥  
有中華之風俄以進士擢第不仕隱於終南  
山子午谷葺居懷遠逸之趣手殖奇花異菓  
極多常焚香靜坐若有念思又誦道德及諸  
仙經不輟後三年思歸本國航海而去復來

水道服復入於南務行陰德人有所求無有阻者精勤為事人不可借也大中十一年十二月上表言臣奉玉皇詔為英文臺侍郎明年二月十五日當上昇時宣宗願以為異遣中使徵入內固辭不就又求見玉皇詔辭以

為別仙所掌不留人間遂賜宮女四人香藥金線又遣中使二人專看侍然可記獨房靜室宮女中使皆不接近每夜聞室內常有人談笑聲中使竊窺但見仙官仙女各坐龍鳳之上儼然相對復有侍衛非少而宮女中使不敢輒驚二月十五日春景妍媚花卉爛熳果有五雲吸鶴翔鸞白鶴笙簫金石羽蓋瓊輪瑤幢滿空迎之昇天而去朝列士庶觀者填溢山谷莫不瞻禮歎異焉

宋玄白

宋玄白不知何許人也為道士身長七尺餘眉目如畫端美肥白言談秀麗人見皆愛之頗有道術夏則衣綿冬則單衣卧於雪中去身一丈餘周匝氣出如蒸而雪不凝又指燈即滅指人若隙風所吹颼然指庭間花草

颼然而動多遊名山自茅山出潤州希玄觀入括蒼洞辟穀服氣或時食羶肉五斤以蒜滿一盆撮粟畢即飲酒二斗用一白梅人有求得其一片蒜食之者言不作蒜氣味如異香終日在齒舌間香不散得食之者願多而

畢身無病壽皆八九十玄白到處住則以金帛求置二三美妾行則捨之人皆以為得補腦還元之術三妻如女之術非真仙所學況妻一事益於人之脫然決非御女之術明矣必玄白之意欲示和光混俗使人不知其仙也又遊越州適大旱方暴起樂龍以祈雨涉旬亢陽愈甚玄白見之以為凡所祈雨頃候天命非上奏無以致之乃於所止觀焚香上祝經夕大霽雨告足越人大神異之後復到信州又逢天旱祈禱有道士知玄白能致雨州人乃請之遂作術飛釘釘城隍神雙目

刺史韋德鄰

刺史韋德鄰誑其財婦女復釘城隍神此妖怪也將加責辱使使使部輩欲向之手脚皆不動悉自仆倒枷鎖亦自摧折玄白笑謂德隣曰使君忤觸劉根欲誅罰祖稱邪德鄰方懼祈謝須臾禮而遣之其靈異屢試不可備錄

後於撫州南城縣白日上昇南城縣今屬建昌府也

賀自真

賀自真莫究其所從來為道士居嵩山有文學為事高古常焚修精勤年少人亦不知其甲子然道俗相傳見之多年矣皆不知其所修一日雲鶴滿空聲樂清亮自真為飛昇而去時有處士陳陶在東都見洛城人觀望瞻禮驚嘆不已乃為詩曰子晉鸞飛古洛川金桃再熟賀郎仙三清樂奏嵩丘下五色雲屯御苑前朱頂舞翻迎綺節青鬟歌對駐香驂誰能白晝相悲泣太極光陰幾萬年

歷世真仙體道通鑑卷之三十一